

新證錄卷之五

山陰陳玉鐸敬之甫號遠令號永華子著述

會稽陶式玉尚書號存齋文號

叅訂

關格門

人有病關格者食至胃而吐欲大小便而不能出眼睛紅赤目珠暴露兩脇脹滿氣逆拂抑求一通氣而不可得世以爲胃氣之太盛而不知乃肝氣之過鬱耳夫關格之症宜分上下一上格而不得下一下關而不得出也今上既不得入而下又不得出是真正關格死生危急



開門散  
無靈之神

之症也治之原有吐法上吐則下氣可通今不必用吐藥而先已自吐是用吐藥無益矣若用下導之法則上既無飲食下胃而大腸空虛即用導藥止可出大腸之糟粕鞭屎而不能通小腸膀胱之氣是導之亦無益也必須仍用煎藥和解為宜但不可遽然多服須漸漸飲之初不受而後自受矣方用開門散白芍五錢白朮五錢茯苓三錢陳皮一錢當歸五錢柴胡三錢蘇葉一錢牛膝三錢車前子三錢炒梔子三錢天花粉三錢水煎一碗緩緩呷之一劑而受矣一受而上關閉再劑而下

格亦通此方直走肝經以解鬱鬱解而關格自止所  
扼要爭奇也倘用香煤之藥以耗胃氣適足以堅其關  
門而動其格據矣

此症用通關

散亦效

白芍五錢茯苓三錢甘草枳壳神曲各三分白豆蔻  
一枚川芎二錢生姜汁半合柴胡一錢水煎服一劑  
卽開二劑愈愈後  
須用補腎之劑

人有無故而忽然上不能食下不能出者胃中脹急煩悶  
不安大小便窘迫之極人以為關格之症也誰知是少  
陽之氣不通乎夫少陽膽也膽屬木木氣最喜舒泄因





寒氣所襲則木不能條達而氣乃閉矣於是上尅胃而  
下尅脾脾胃畏木之刑不敢去生肺氣而併生大腸之  
氣矣肺金因脾胃之氣不生失其清肅之令而膀胱小  
腸無所凜遵故一齊氣閉矣此症原可用吐法一吐而  
少陽之氣升騰可愈其次則用和解之法和其半表半  
裏之間而膽木之鬱結自通二法相較和勝於吐吐必  
傷五臟之氣而和則無損五臟之氣也方用和解湯柴  
胡一錢白芍三錢甘草一錢枳殼五分薄荷一錢茯苓  
三錢丹皮二錢當歸三錢水煎服緩緩服之三劑則可



以開關矣上關一開而下格自愈此方乃逍遙散之  
方也逍遙散有白朮陳皮未嘗不可開關余改用薄荷  
枳壳丹皮者直入肝經之藥取其尤易於開鬱也此方  
全不開關而關自開者正以其善於解鬱也

此症用寬緩

湯亦妙

柴胡茯苓各二錢當歸三錢白芍五錢甘草蘇  
葉黃芩各一錢竹葉三十片水煎服二劑愈

人有吐逆不得飲食又不得大小便此五志厥陽之火太  
盛不能營於陰遏抑於心胞之內頭上有汗乃心之液  
外亡自焚於中也存亡之機間不容髮此關格最危之

症人以爲氣之不通也欲用麝香片腦之類以劫開其  
門必至耗散真氣反致歸陰矣法宜調其營衛不偏陰  
偏陽一以冲和毋犯胃氣使其臟腑自爲敷布不必問  
其關從何開格從何啓一惟求之中焦握樞而運以漸  
透於上下之間自能營氣前通衛氣不閉因其勢而利  
導之庶無扞格耳方用和中啓關散麥冬五錢人參五  
分甘草五分栝子仁三錢滑石敲碎一錢黃連一錢白  
芍五錢桂枝三分天花粉一錢五分水煎服一劑而上  
吐止再劑而下閉通矣此方解散中焦之火更能舒肝

以平木木氣既平而火熱自減內中最妙者用黃連與  
桂枝也一安心以交於腎一和腎而交於心心腎相交  
則營衛陰陽之氣無不各相和好陰陽既和而上下  
焦安能堅閉乎此和解之善於開關也

此症用黃連啓

心湯亦效

人參一錢白朮丹皮各三錢黃連玄參各二錢甘草  
一錢桂枝三分半夏五分柴胡三分水煎服二劑愈  
人有上吐下結氣逆不順飲食不得入溲溺不得出腹中

作疼手按之少可人以為此寒極而陰陽易位其脉必  
澹而伏也法當吐不吐則死然而不必吐也夫上部無



脉下部有脉吐之宜也以食填塞於太陰耳今脉渣而  
伏非無脉之比况所食之物已經吐出是非以填太陰  
也吐之不重傷脾胃之氣以堅其閉塞乎夫胃氣之所  
以不開與大小腸膀胱之所以閉結者由於腎氣之衰  
也胃爲腎之關門腎之氣不上則胃之關必不開腎主  
大小便膀胱之氣化亦腎氣化之也腎氣不通於三經  
則便溲何從而出然則土下開闔之權衡全在乎腎也  
治法必須大補其腎中之水火腎中之水火足而關格  
不治而自愈矣方用水火兩補湯熟地一兩山茱四錢

茯神五錢車前子三錢人參二錢麥冬一兩五味子五  
分肉桂一錢白朮五錢牛膝三錢水煎服連服二劑上  
吐止而下結亦開矣再服四劑全愈此方補腎中之水  
火而又能通腎中之氣氣足而上自達於胃下自達於  
膀胱大小腸矣倘用香燥之藥以救胃則胃氣愈傷倘  
用攻利之藥以救膀胱大小腸則膀胱大小腸愈損何  
日是開關解格之日哉

此症用化腎湯亦神效

熟地二兩肉桂二錢水煎服一劑卽通二劑全愈

人有一時關格大小便閉結不通渴飲凉水少頃卽吐又



飲之又吐面赤唇焦粒米不能下胃飲一杯吐出杯半  
脉亦沉伏人以爲脉絕也誰知是格陽不宣腎經寒邪  
太盛之故乎夫腎屬少陰喜溫而不喜寒也寒邪入腎  
則陽無所附陽欲杜陰而不能陰且格陽而愈勝於是  
陽不敢居於下焦而盡逆冲於上焦咽喉之間難於容  
物而作吐矣夫陽宜陰折熱宜寒折似乎陽熱在上宜  
用陰寒之藥以治之然而陽熱在上而下正陰寒也用  
陰寒以折陰寒正投其所惡也不特無功而反有大害  
蓋上假熱而下真寒非用真熱假寒之法從治之斷不





能順其性而開其關也方用白通湯治之方中原是太  
熱之味得人尿猪膽以亂之則下咽覺寒而入腹更熱  
陽可重回而陰可立散自然脉通而關啓矣然後以大  
劑八味湯投之永不至關再閉而吐再發也

此症用加味水

桂湯亦神效

白朮一兩肉桂一錢甘草一分人參二錢丁香  
一錢水煎加入尿半碗探冷服之一劑即安



上海中医药大学图书馆版

中滿門

人有飲食之後胸中倒飽人以爲多食而不能消用香砂  
枳實等丸消導之似覺少快已而又飽又用前藥久久  
不已遂成中滿之症腹漸高大臍漸突出肢體漸浮脹  
又以爲臃脹用牽牛甘遂之藥以逐其水內原無水溼  
之邪水未見出而正氣益虛脹滿更急又疑前藥不勝  
復加大黃巴豆之類下之仍然未愈又疑爲風邪固結  
於經絡用龍膽茵陳防風荆芥之類紛然雜投不至於  
死不巳猶然開鬼門洩淨府持論紛紜各執已見皆操





力下石之徒也誰知中滿之症實由於脾土之衰而脾  
氣之衰又由於腎火之寒也倘用溫補之藥早健其脾  
氣何至如此之極哉方用溫土湯人參一錢白朮一錢  
茯苓三錢蘿蔔子一錢薏仁三錢芡實五錢山藥五錢  
肉桂三分穀芽三錢水煎服一劑而覺少飽二劑而覺  
少寬矣數劑之後中滿自除此方但去補脾絕不消導  
以耗其氣蓋中滿之病未有不因氣虛而成者不補脾  
胃之氣則脹從何消况方中加入蘿蔔子最妙助參朮  
以消脹不輔參朮以添邪又有茯苓薏仁芡實山藥之

類益陰以利水水流而正氣不耗自然下澤疏通  
游無阻滯之虞矣第恐水寒冰凍則溪澗斷流又  
肉桂於水中生火則土氣溫和雪消冰泮尤無壅塞  
苦也奈何惟事於消導遂成不可救藥之病哉

此症用木苓加桂湯  
白朮一兩茯苓五錢肉桂一錢水煎服

人有未見飲食則思既見飲食則厭乃勉強進用飽寒於  
上腕之間微微脹悶此不止胃氣之虛而心包之火止  
衰也心包爲胃土之母母氣既衰何能生子心包之火  
不足又何能生胃哉故欲胃之能食必須補胃土而兼

補心包之火也方用生胃進食湯人參三錢白朮三錢  
炒棗仁五錢遠志八分山藥三錢茯苓三錢神麩五分  
良薑五分蘿蔔子一錢枳壳五分乾薑炒黑一錢水煎  
服此方治胃無非治心包也心包與胃原是子母何處  
分治之乎不治中滿而中滿自除此補火之勝於補上  
也

此症用調飢

散亦妙

人參五分山藥一兩白芍三錢甘草五分肉桂一錢  
芫蒲五分肉豆蔻一枚炒棗仁三錢水煎服十劑愈  
人有中心鬱鬱不舒久則兩脇飽滿飲食下喉即便填脹





不能消化人以為噉脹之漸也而不知皆氣滯之故物  
用逐水之藥必且更甚用消食之藥亦止可取  
快而不能去永久之脹也法宜開鬱為主然而氣鬱既  
久未有不氣虛者也使僅解其鬱而不兼補其氣則氣  
難化食脹何以消方用快膈湯人參一錢茯苓五錢白  
芍三錢白芥子二錢蘿蔔子五分檳榔三分神麴五分  
枳殼三分柴胡五分薏仁三錢厚朴三分水煎服一二  
劑輕四劑全愈此方解鬱而無刻劑之憂消脹而無塞  
塞之苦攻補兼施自易收功也